

Ex oficial di narcotica Neill Franklin durante lectura cu tema controversial 'cannabis'

Regula y controla benta di marihuana y no bring'e cu tur forza



ORANJESTAD – Enbes di drenta den un guerra contra e baho mundo di droga, mester regula y controla esaki miho. Ex oficial di narcotica Mericano Neill Franklin- durante

rie di lectura cu Franklin ta dunando na Aruba. Aparte di un evento di diasabra ultimo, e tin un presentacion mas e siman aki pa Kiwanis Aruba.

Punto di salida di Franklin

su mes cu e tin cu cambia di 'approach' pa loke ta e problema. "Algo cu a tumami hopi tempo, despues di hopi investigacion y fay cu mi a bin realisa e cambio aki" Franklin ta bisa. Na Bon Dia Aruba e la confesa cu e la haya basta resistencia di su coleganan polis.

Ora cu e la descubri LEAP, e la uni cu nan y awe e ta un di e directornan. Nan ta consisti di ex agentenan policial cu ta pensa mescos y cu ta purbando di cambia e pensamiento di con pa ataca e problema mundial di droga.

Loke cu Franklin a trece dilanti, entre otro ta cu e problema di droga lo no desaparece nunca. "Lo bo por reduci su efecto, pero no elimina esaki nunca completamente". Mes momento e ta muestra



cu uzo di 'cierto droga' ta bon, pero e problema ta ora cu bo cuminsa 'abusa' esaki. "Y e por ta for di e simpel adiccion na koffie" Franklin a bisa. E ta admiti cu e mes a uza marihuana den su temponan di hubentud, y no tabata sa miho kico e ta. Siendo honesto, e ta muestra asina cu droga por afecta tur hende. "Hasta mi propio yiu tabata suficiente honesto pa admiti n'ami cu e la purba marihuana" Franklin ta sigui bisa.

Franklin a referi na entre otro dos programa piloto cu tin na estado di Washington y Colorado. Na Colorado por ehempel, tin como 100 establecimiento cu ta vende marihuana legalmente. Cu e practica aki tin hopi cos cu ta

mehora. E persona ta cumpra solamente marihuana y no ta wordo manipula pa tambe purba otro tipo di droga mas pio manera heroína y cocaína. Mes momento bo no ta mira mucha den e luganan. E producto ta uno mas safe pasobra bo tin garantia cu e ta e producto puro y no cosnan manipula cu por posiblemente causa 'overdose'.

Franklin ta purba muestra cu enbes di bringa e problema di droga cu reglanan estricto, bo ta solamente haci e problema mas grandi y bo ta bringando un bataya inutil. "Bo no ta bay elimina e problema nunca completo. Sigur no cu e leynan cu tin" Franklin ta sigui bisa. □



un lectura e siman aki na Universidad di Aruba, a muestra e 'otro acercamiento' pa un problema mundial.

Uzando su experiencia cu e mundo baho di droga, Franklin -cu awendia ta e actual director ehecutivo di e fundacion LEAP (Law Enforcement Against Prohibition)- a purba convence esnan presente di su teoria. Tirando un bista den e sala, por a pensa cu esaki tabata un evento organisa pa partido politico RED, si mira cu e tema tabata dirigi den 'convence pa legalisa cannabis'. Especialmente si mira caranan conoci liga cu e tema, manera Rudy Lampe y Ricardo Croes. Pero e evento ta uno organisa pa CLL (Center for Lifelong Learning) y ta parti di un se-

ta cu, despues di su carera di 30 aña como un 'undercover agent', el a nota cu crimen no a baha, no tin menos droga, y e placa pa droga a sigui baha. Tin tambe mas corrupcion debi na e reglanan cu tin pa cu combatimento di trafica-cion di droga. E motibo ta simpel segun Franklin; Traficacion y bendemento di droga ta un negoshi biyonario mundial y como tal tin hopi hende e instancia cu ta gana bon placa cu esaki. Franklin a muestra cu durante su trayectoria como agente antinarcotica na Merca (Maryland), e la actua multiple biaha como 'undercover agent' y hunto cun'e un ex colega De Toatly, cu lamentablemente na maart di 2000 a keda asesina durante un operacion di droga cu a bay malo. Ta aki unda cu Franklin a dicidi y a convence

